

S U M M A
C O N C I L I O R U M,
S U M M O R U M Q U E P O N T I F I C U M,
A S A N C T O P E T R O
U S Q U E A D J U L I U M T E R T I U M,

Omnibus in sacris Litteris versantibus apprime utilissima,

*AB ILLUSTRISSIMO REVERENDISSIMOQUE D. D. FRATRE
Bartholomæo Caranza, Archiepiscopo Toletano, &c. Ordinis Prædicatorum, pridem collecta.*

Postea vero

Francisci Sylvii Sacræ Theologiæ Doctõris, ejusdemque Regi, ac Ordinarii in Universitate Duacena Professoris, ibidemque ad Sanctum Amatium Decani

Additionibus illustrata, et aucta.



SUPERIORUM PERMISSU:



MATRITI: Apud Viduam Elisæi Sanchez. Anno 1766.

ILLUSTRI, ET PRÆCLARO DOMINO

DIEGO HURTADO MENDOZÆ,

APUD REMP. VENETORUM ORATORI, ET IN SACRO-
sancta Synodo Tridentina Cæsareæ Majestatis vicegerenti, Fr.
Bartholomæus Caranza Miranda, Instituti S. Dominici
S. D.

CUM mecum hisce diebus volverem, Diege, magnum & nobi-
litatis & studiorum decus, & nostræ laus Hispaniæ,
quid mihi potissimum agendum foret, dum Deus Opt. Ma-
xim. viam aliquam ostendit Concilio futuro, si quando, nunc
admodum necessario, in tantis Ecclesiæ procellis, & vitæ
malis, subiit animum relegere Majorum nostrorum Acta in
Conciliis Antiquioribus. *Et puduit me, ut ingenue fatear,*
nostrorum morum expuere libuit in sinum, subinde repetens,
En, à quanto culmine decidimus, in segnitiam & oscitantiam
nostram in Gentem à Christo redemptam, & factam rerum do-
minam. Ubi ille charitatis ardor? Ubi animus? Ubi dolorum &
mortis contemptus, dum gregem traditum custodirent? Deni-
que nihil fere convenit præsentì rerum statui, si quis atten-
tius conferat cum illo, quem cernere licet in scripturis Conci-
liorum. Quod ut facilius contemplari possem, excerpfi epitomen
quandam collatione Exemplariorum, tum Latinorum, tum Græ-
corum, quoad ejus fieri potuit. Quam quum utilem fore mul-
tis arbitrarer, ne idem illis subeundum esset fastidii & laboris,
præsertim quibus aut evolvere non vacat, aut comparare non
possunt tantam librorum farraginem, é re communi me facturum
putavi, si quod mihi sudaram, omnibus impertirem. Proposui
vero aliquot quæstiones, vel ut operis præcursores, necessarias,
ni fallor, *tractaturis Germania hæreses.* Itaque sub tuo Nomine
editur hoc quicquid est libelli, tum ut studiosis vel ob hoc sit in
pretio, tum ut tibi, cui omnia debeo, incipiam novo gre obli-
gari, si sensero ea suscepisse fronte, qua vel minutissima, quæ
tamen ad rem literariam pertinent amplecti soles, Vale in Christo
Jesu.

DIE-



CANONES APOSTOLORUM.



E Canonibus Apostolorum varie tradiderunt scriptores Ecclesiastici, ut diligenter annotavit Gratianus in suo volumine decretorum dist. 16. Quidam in totum rejecerunt tanquam apocryphos. Alii admitterunt sexaginta, ut Zephyrinus Papa scribens Episcopis per Siciliam constitutis. Alii vero quinquaginta recipiunt, ut Leo IX. Papa contra epistolam Niceti Abbatis. Sexta autem Synodus recepit, & probavit 85. in can. 2. prout in Græcis, & Latinis exemplaribus feruntur. Quam Synodum secutus integros 85. canones ex Græcis & Latinis codicibus transcripsi.

Auctoꝝ.

ADDITIO FRANCISCI SYLVII.

NON magnam habendam esse rationem Canonum sextæ Synodi, eo quod illi, qui sub ejus nomine feruntur, non sint ullius legitimi Concilii, videri potest infra post illam Synodum. Canones autem Apostolorum etsi declarati sint esse apocryphi à Gelasio, dist. 15. can. Sancta Romana, quo modo etiam illos vocant Baronius ad ann. Christi 58. Bellarminus, lib. 1. de verbo Dei, cap. 20. & alii, quia tamen in eis multa sunt utilia, & omnes præter 65. & ultimum, qui manifestissime est suppositivus, vel Romanorum Pontificum auctoritate, vel aliorum Conciliorum decretis, vel Patrum sententiis inveniuntur confirmati; quemadmodum videri potest apud Turrianum, lib. 1. pro Canonibus Apostolorum, & Coriolanum in summa Conciliorum; ideo non sunt contemnendi,